



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Verecundia potest in bonam & malam partem sumi.

urn:nbn:de:hbz:466:1-41716

moueantur in canonicos meliores seu magis digni,
&c. Hoc enim est ad idem tendere, sed alia via hodie
conueniente.

*Verecundia potest in bonam & malam
partem sumi.*

ERUBESCENTIA, pro quanto verecundiam de bono
importat, peccatum est: quia actus timoris cadit
super materia repugnante: non enim timidum est
bonum.

Et est quandoque veniale: ut quum quis erubescit
voluntariæ orationi vacare propter societatem.
Quandoque autem mortale: ut quum erubescit con-
fiteri peccatum suum mortale, aut confiteri Christū,
&c. iuxta illud. *Qui me erubuerit coram homini-
bus, hunc & filius hominis erubescet coram Angelis
Dei.* Discerne ergo erubescientiam mortalem a ve-
niale ex materia. Nam si quis erubescit de necessariis
ad salutem, peccat mortaliter: si autem de aliis, venia-
lis communiter est.

*Mentis distractio vel euagatio secundum
apprehensionem naturam est iudicanda.*

EVAGATIO mentis ex suo nomine à recta ratione
declinat, & propterea peccatum est. Sed si nuda
est, venialis est. Si autem ad illicitas materias exeat,
iuxta illarum naturas iudicanda est: ita quod si ad
Venereas delectationes declinat, ex Venereorum re-
gulis iudicatur, & sic de aliis. Et hæc intellige de men-
tis euagatione secundum se. Nam de ipsamet ut con-
iuncta Missæ, orationi, & aliis quæ attenta mente te-
netur homo persolvire, aliud est iudicium propter in-
iuriam annexam, ut infra patebit.

Excom.